



Resolución do 17 de febreiro de 2020 da Dirección Xeral da Función Pública pola que se procede á apertura do prazo para solicitar a participación nos procesos de funcionarización polo persoal que se atope en situación de excedencia voluntaria, excedencia voluntaria por incompatibilidade ou por prestación de servizos no sector público.

Esta Resolución ten por finalidade dar cumprimento ao previsto na disposición adicional primeira do Decreto 165/2019, do 26 de decembro, polo que establece o procedemento para a adquisición da condición de persoal funcionario de carreira polo persoal laboral fixo do Convenio colectivo único do persoal laboral da Xunta de Galicia (DOG núm. 2 do 03.01.2020), que establece mediante resolución da Dirección Xeral da Función Pública habilitarase un prazo para que o persoal laboral fixo da Xunta de Galicia que se atope en situación de excedencia voluntaria, excedencia voluntaria por incompatibilidade ou por prestación de servizos no sector público manifieste, mediante a solicitude habilitada para o efecto, o seu interese en querer participar nun futuro proceso de funcionarización que, para cada categoría profesional, se convoque para o persoal que se atope na devandita situación.

En consecuencia, en cumprimento do establecido no devandito Decreto

DISPOÑO

Primeiro. Obxecto e finalidade

1. A presente Resolución ten por obxecto habilitar un prazo para que o persoal laboral fixo da Xunta de Galicia que se atope na situación de excedencia voluntaria, excedencia voluntaria por incompatibilidade ou por prestación de servizos no sector público manifieste mediante unha solicitude o seu interese en querer participar nun futuro proceso de funcionarización.

2. Esta Resolución ten por finalidade poder cuantificar por grupo e categoría profesional o número de persoas, que atopándose na situación de excedencia voluntaria, queren participar nun futuro proceso de funcionarización e trasladar á correspondente Oferta Pública de Emprego esas solicitudes. O traslado á dita Oferta farase dando prioridade aos dous primeiros supostos aos que se refire o seguinte apartado.





Segundo. Supostos

Poderá presentar a solicitude de querer participar nun futuro proceso de funcionarización o persoal laboral fixo da Xunta de Galicia que se atope nalgunha das seguintes situacións:

1)SUPOSTO NÚM.1: Persoal laboral fixo que posúe unha única categoría profesional e que se atopa en excedencia voluntaria por estar prestando servizos como persoal funcionario interino ou como persoal laboral temporal na Xunta de Galicia.

2)SUPOSTO NÚM.2: Persoal laboral fixo que posúe máis dunha categoría profesional, que se atopa prestando servizos na Xunta de Galicia nunha delas, que se trata dunha categoría que aínda non foi convocada a súa funcionarización e que se atopa na situación de excedencia nas demais categorías profesionais.

3)SUPOSTO NÚM. 3: Persoal laboral fixo que posúe máis dunha categoría profesional, que se atopa prestando servizos na Xunta de Galicia nunha delas, que se trata dunha categoría na que xa foi convocada a súa funcionarización e que se atopa na situación de excedencia nas demais categorías profesionais.

4)SUPOSTO NÚM.4: Persoal laboral fixo que posuíndo unha ou máis categorías profesionais se atopa na situación de excedencia voluntaria e non se atopa prestando servizos na Xunta de Galicia.

5)SUPOSTO NÚM.5: Persoal laboral fixo que posúe unha ou mais categorías profesionais, que se atopa en situación de excedencia voluntaria por ter a condición de funcionario de carreira nesta Administración.

Terceiro. Presentación da solicitude e prazo

O persoal laboral fixo que se atope en algún dos supostos antes indicados disporá do prazo de dous meses a contar dende o día seguinte ao da publicación desta Resolución no Diario Oficial de Galicia para manifestar por escrito, dirixido á Dirección Xeral da Función Pública, que quere





participar nun futuro proceso de funcionarización, debendo indicar no seu escrito o número de suposto no que se atopa e o grupo e categoría profesional que posúe.

No suposto de non presentaren a solicitude no prazo anterior non se poderá participar nos procesos de funcionarización que se convoquen ao abeiro desta Resolución.

Cuarto. Recursos

Esta resolución pon fin á vía administrativa e contra ela as persoas interesadas poderán presentar recurso potestativo de reposición ante a persoa titular da consellería competente en materia de función pública no prazo dun mes contado desde o día seguinte ao da súa publicación no DOG, consonte á Lei 39/2015, do 1 de outubro, ou impugnala directamente ante a Sala do contencioso-administrativo do Tribunal Superior de Xustiza de Galicia, no prazo de dous meses, contados desde a mesma data, consonte á Lei 29/1998, do 13 de xullo, reguladora da xurisdición contencioso-administrativa.

Santiago de Compostela,

O director xeral da Función Pública

José María Barreiro Díaz

